

Moussu-ou Yùtye de Bagnères que counchè lous dus coumpays

-Tè ! tè ! que y a de nau ?, si-us hesou quoan lous beyoù daban lou soû taulè .

Lou Bernicha, lou més lengassut de touts dus que pleyteyè l'ahè : « Ouat, Moussu-ou Yùtye, lou Chiroulet e you qu'atrapèm diménye sé sengles berbaus e que benguèm respoune.

-Sengles berbaus ! clame lou yùtye. E qu'abét hèyt ? Bam, counde-m aco.

-Aquét die, Moussu-ou Yùtye, qu'abèm hèyt drin de hèste enço de la Choune...

-E qu'èret bebuts, per segu !... - Oh ! nàni, Moussu-ou Yùtye ! Drin pintats, més pas harts. Lou sé que bouloum ana au Cajino, oun se yougabe ue beroye tragerie... - E qu'anabet aquiù ta hè hourbàri ?... - Que bat enténe, Moussu-ou Yùtye. Quoan estoum assietats plâ beroy sus séngles fautulhs de belour, que beyoum daban l'empoun dou tiàtre û arramat de musicàyres qui hesèn û sabat de touts lous diables dab toutoures, tabars, tambourres, pin pims, que sèy you ! Qu'aurén dit lou calhabàri de la bielhe Pourrate quoan se tournè marida. Que-n y abè û mau-pentiat, lous péus esparpalhats coum û nau de piques, qu'abè û bastou à la mâ , e qu'ou hougname à dréte, à gauche, en haut, en bach !

Gnaute que segabe û gran armàri loung, sense yamés poudé-u coupa, de ta tilhous qu'ère. Puch que-t arribèn sus l'empoun ue binténe de galipans armats de fusils e de sàbres. Que-n anàben de dus en dus en cantan coume lous poumpiès de Pouyastruc. Lous ûs que gulàben : « Marchi, marchi, marchon ! » lou àutes « Parti, parti, parton ! » Que trepilhàben sus place e yamés nou hesèn û pas endaban. Lou maupentiat, de debat enla, qu'ous hesè sinne dab lou barrot de-s cara. Ya ! ya ! més e hougname lou bras, més que gulàben. E yamés û pas endaban ! « Grans fenians, si-us cridèy, si èri au darrè, dab l'agulhou, be-b héri beroy boulega ! » - Passém, passém, si hesou lou yùtye qui nou poudè retengue l'arride. Après, moussu-ou yùtye, que-t arribe û gran pansard barbut, dab û bèt càscou daurat su-ou cap. Lous soullats que-s hiquèn sus ue rèque e lou capoural que cridè : « Le roi ! » - Mèrque-t û punt ! si-u hesou lou Chiroulét, coume à l'escartat. - Anem, prou ! si hesou lou yùtye. Dab tout aco, que hiquèt touts dus lou destrouble au tiàtre. Puch que manquèt de respèc au Coumissàri. Quoan pe demandè lou bòste noum, l'û qu'ou respounou : « Cha bou regarde pas, » e l'aute : « N'abét pas besougn d'at sabé ! » Aquiù qu'éy lou màye mau. Que saberat que nou cau pas reguinna countre la poulice. Per aqueste cop nou-b en coustara que nau liures e quotate sos à cadu ! - Moussu-ou Yùtye, nou-ns e tournen pas gaha de quauque lue au Casino de Bagnères !